

萬載縣志卷七之一

武備

征兵 兵衛

縣地古太諸侯也齊桓晉文左右王室稱霸諸侯偉矣近古女真以萬人起海上鋒不可當薩爾濟之戰清太祖以五萬人破明十三總兵是豈非通國皆兵人自爲戰耶今日固欲人人知兵而敢戰矣然其所以爲備者未也礮彈則奔雷出地飛機則震電破空鐵甲鋼車死光活火能以血肉之軀相抗乎戰危事也可易言哉防盜賊固疆圉則行政官所有事矣

縣居叢山中踞蜀江上游爲南昌屏蔽境縮於東南而伸於西北

萬載縣志

卷七之一

武備 徵兵

時值多故其先巢窟於西北者其後率蔓延於東南明清之交前事可觀清季萍瀏之警上鄉練團籌餉而城內晏然卽近年赤化所煽西北鄉村初敝於團防旣疲於義勇在上之政見各殊在下之室家待盡勝不足以爲功而或反以爲過也當十九年爭端孔棘黃茅周德祥死守待援縣城多槍不敢越雷池一步德祥以身殉而遂至瘡痍滿目曩令爾我無異同之見留此身以待今日督率健兒慷慨前驅不幸而爲壯烈之犧牲凜然生氣鄉里有光嗚呼吾不能不爲當時惜也

古者兵民不分合八百家出甲士三人步卒七十二人而農隙講武不妨稼穡自兩司馬以上皆選賢士大夫爲之無侵漁之患故

動則有功宋司馬公詳哉言之矣逮兵制更而召募遂與民分遼金崛起虎視中原夏元吳以區區一隅地而抗宋彼其民皆兵也元之兵力直達裏海清之入旗勁旅強天下而綠營亦皆召募南徵北討策勲酬庸太平之役脆弱不復可用僧格林沁大沽之潰其初不猶勁旅乎湘淮強勇知名竟成弩末兵之強弱固視國運爲進退乎外患迭興喪師失地岌岌不可終日矣民元以還幸告統一謂召募不可常則倣古者兵民不分之法而以漸行之天下大計非豎儒所敢妄議就縣境言初以數十家出一人願募者應之合予之貲以壯其行二十元止耳至於再至於三願募者少而資乃日增至四五十元未已及今而願募者不能如應徵之數則

萬載縣志

卷七之一

武備 徵兵

二

以抽籤決定之假如縣徵百人則區各二十人保之數不如徵之數則抽籤抽得之保不定誰爲應徵之人則又抽籤籤旣決定或慷慨從行或乘間逃匿或竟不抽籤合一保之壯丁共僱人以應役或父兄代抽極之深夜拘拏沿途捕捉再不然者保長特上下其手應徵得以賄免緩役強迫使行單丁獨戶俯仰何資硯土薄田耕耘何恃毀家紓難爲國忘身鄉民何由解此國家重大之政而予奪操之保長地方賢長官可不思所以善其後哉

實施徵兵自民國二十六年十月分起至二十九年七月除免緩禁役外實徵出壯丁一三零一六名現正開始國民兵調查一俟調查確實卽按照籤號徵送目前應付補充兵源係以緩役時間

其消滅者提前征集

漢時縣有更卒民皆兵也厥後或言郡國兵或言州郡兵不及縣統所屬耳晉去州郡兵大郡置武吏百人小郡五十人縣侯亦置軍設吏而軍制無從稽南齊時軍主李雙蔡保毛寄生幢主龐嗣皆曾用兵康樂兵不必出於縣唐置府兵洪筠不與可考惟南昌軍楊吳邑始隸袁惟傳袁州統軍前鋒等職究於縣非專屬故宋以前概從畧

宋有常從兵屬知縣弓手騎射屬高村巡檢司捕兵屬右尉名數無考 民兵卽鄉兵若槍杖手忠義社召募土兵行保伍法畧可意推

萬載縣志

卷七之一

武備 徵兵

三

舊按宋時州設武雄營乃禁旅自京就糧本州者萬非衝要不駐此兵又設効勇牢城壯城等營所謂本州鎮兵屯戍要害給漕輓營繕諸役亦不專屬縣縣屬惟役兵民兵太祖平江南合縣設常從兵不得擅有增益元豐三年郡守廖子孟奏置高村巡檢司領兵防盜賊此與常從並爲役兵文獻通考載江西槍杖手萬亦應有紹興中沈調言諸縣舊有忠義社隨鄉屯結推豪右眾畏服者爲長而靖康時邑人鄔玉已集眾屯堡作寨獲村亦立鎮置驛募兵防守則葉適所云土兵爲鄉控院是已其後范如璋知縣事行保伍法凡皆民兵也以上典實宜存

元中千戶所達嚕噶齊

千戶

副千戶

總把百戶各一員

百戶 彈壓 戍軍無員名 義兵千戶所千戶 彈壓各一員
百戶十員 義兵無員名

舊按元制管軍七千之上爲上萬戶府五千之上爲中三千之上
爲下千戶以七百爲殺亦分三等袁州路立萬戶府以萬載爲中
千戶所則所管僅五百以上然自近戍遠其戍縣者皆客軍所謂
江淮以南列郡以漢軍及新附等軍戍焉是已千戶佩金符百戶
銀符皆世其官軍籍一定不可更易皆坐食租稅不預守令之事
至正間增置義兵千戶於江西凡禦寇立功輒以劄授千戶諸軍
職義兵卽民兵也員額依史載名糧闕焉

明袁州衛軍初制本以衛民故並列此 正千戶 副千戶 百戶共

萬載縣志

卷七之一

武備 衛兵

四

十二員額軍總旗小旗并屯軍共五百二十八名操守旗軍運糧
旗軍各若干名

舊按太祖辛丑歐黃內附招降諸山寨立千戶十二丙午置袁州
衛命歐顯爲僉事千戶咸隸焉洪武三年以舊隸軍分戍閩建指
揮王仍馬英籍餘丁義屬者得壯勇二千四年設千百戶統之併
舊軍爲左右中千戶所七年增設前後二所永樂二年令各衛所
凡軍百名以上委百戶一員三百名以上千戶一員五百名以上
指揮一員其始三分守城七分屯種成化後定爲二分守操八分
屯運萬載始撥屯軍五百員名屯田止四百八十八分則軍官十
二不授田也今考指揮設於袁衛不專屬萬而千戶百戶恰符十

二員之數惟操守等軍額數無徵故詳畧異焉

團練民兵知縣領之團首二十四名機兵知縣領之防守操練兵快皆是一曰精兵原額無徵屢議裁汰僅存一百十六名分守東關西關大南關大北關小南關小北關烏溪哨龍河哨共七十一名爲守城哨兵餘兵分防雞籠山營及各要隘

府縣應捕兵亦機兵屬舊田賦志僅載工食未詳府縣分屬及額設名數姑闕

民壯知縣領之崇禎時尚存五十名弓兵高村巡檢司所領洪武十二年裁鐵山界巡檢所領遞裁崇禎時又裁

舊按洪武初設民兵萬戶府簡民間武勇編伍操練無事仍還爲

萬載縣志

卷七之一

武備 機兵

五

民有功一體升賞自衛制設而民兵府裁遂隸於州縣考田賦四差內有團練民兵一欵據王推官兵議爲兵三百十八名分防郡縣及兩隘乃防萬之兵僅二十四殆舉各都團首有定額者耳機兵弓兵捕兵皆民兵也殆皆計戶編僉其召募惟民壯至四差徵銀則均由召募江西各縣機兵多者七八百少或三四百嘉靖中十擇其二練之謂之精兵舊志守城精兵是也其餘以半歸農徵銀解部所謂起運充餉是也以半歸縣差遣謂之常兵若今快手馬快諸役是也屢經裁省十存二三古者縣設尉右尉典武事捕兵隸之明代縣不置尉領於知縣遞減至十餘名謂之捕役弓兵卽宋時弓手隸巡檢司者自三百人至百人不等洪武初縣有二

司所領約皆不減百人乃高村司既裁而鐵山司祇存兵十八蓋亦十不餘一矣民壯宋土軍類正統十四年令各縣招募率領操練遇警調發給以行糧天順元年鞍馬器械並令官給宏治初立僉民壯法州縣大小名數有差然供縣驅役與傭皂伍大失初意夫縣令不預軍事所恃以固疆圉除姦慝備非常者惟此民兵中葉以後言利者裁額以省餉復編糧以病民始也資民之力以自衛繼乃撤民之衛而重責其利宜夫民不支而兵日弱也

袁州府精兵統兵把總防守黎源哨守城兵內隊長一名連民兵共五十二名崇禎六年撥出以足黎源哨額黎源哨防守兵七十四名隊長一名哨官兼之不編餉項原有額編餉銀刪去

萬載縣志

卷七之一

武備 徵兵

六

舊按萬載營哨自萬曆五年李楊亂後巡撫潘季馴議立屬南兵道節制兵由四縣分撥更番出戍歲久曠伍餉徒虛糜崇禎六年楚寇震鄰撫院撥省兵防縣檄道府議兵知縣韋明傑請以萬載兵守萬載三縣亦不復出戍銅鼓慈化等處故屬湖西道節制清袁州協營防萬把總駐黎源哨兼隊長兵丁塘報兵藍旗什長兼教師散兵共一百六十二名

舊按此順治初制雍正六年奉撤回郡派防宜春以原調銅鼓石營守備領弁兵駐防萬載

南昌銅鼓石營駐萬守備把總分防外委把總各壹員額設馬步兵守兵共一百貳拾名內書識弓箭鳥鎗藤牌分防塘汛在城操

防乾隆三十四年撫院吳紹詩移守備駐南昌祇留防萬把總協防萬載哨外委各壹員馬步守兵共四拾二名凡裁存兵丁共伍拾叁名嘉慶二十二年奉裁壹名實存伍拾貳名內書識壹名弓箭兵貳拾柒名鳥鎗兵貳拾肆名

清季以綠營窳敗全行裁撤期於轉弱爲強乃任何改革一蹶不振蓋在乎統御之得人矣八月日記

營況宋元以前無攷明衛弁領軍防萬亦無可稽載其存於舊編者

明黎源哨縣北一百二十里萬曆五年巡撫潘立用窩寇翁國召屋基爲哨塢加買易利節房屋一所構造營廳年久傾頽崇禎四

萬載縣志

卷七之一

武備 徵兵

七

年知縣韋明傑請以黎源田山租銀改建扁曰振旅堂親詣本哨查點今廢

雞籠山營房縣東南五里地通上高宜春山高徑窄萬曆時知縣陶大邦設兵防守以山下荒土開墾充餉後撤回守城土仍荒崇禎四年議移烏溪哨外依民爲寨事寢不行

清櫛樹潭游擊都司營署因防勦棚寇康熙十六年二月建後撤防萬游擊千總康熙初均寄居民舍六年千總李虎因城隍廟旁餘地創建關王廟前後三進爲城守營把總署委員變賣官地廢址早已無存未能一一詳註八月日記

守備署治西明德坊故明布政分司廨雍正五年知縣程元度就

廢址建乾隆三十四年員撤署基爲考棚

城守把總署卽李千總所建廟袁營署原在廟前雍正三年調撥銅鼓石把總駐縣舊署惟餘空場亦就廟內僑居乾隆二十六年把總許游改廟作署今右墻磚石猶存關王廟圍墻基址字樣嘉慶二十四年把總鄒天錫倡邑紳捐貲重修咸豐五年燬

城內營房四所雍正五年知縣程建學基內一百三十四間靜安寺四間明豫備倉故址三十六間縣治後十二間乾隆十二年知縣巖在昌移學基營房於花園卽豫備倉址橫列四排爲房百間今各處俱廢惟花園後排獨存咸豐五年燬

外委營署卽明把總之舊雍正三年改撥銅鼓石外委帶兵防守

萬載縣志

卷七之一

武備 營兵

八

五年知縣程爲建署并營房四十間並朽君花園房咸豐五年燬縣營見統旱塘四卡一

黎源塘營房三間設煙墩瞭樓礮臺旂杆牌樓柵欄如制外委一員原帶兵二十名防守乾隆三十二年裁兵二名

嚴田塘縣北一百里營房四間防兵三名

櫛樹潭塘營房三間防兵四名

演武亭塘縣西北八十里營房三間原防兵二名乾隆三十二年增撥一名

三峯嶺卡縣北五十里謝陂營房三間乾隆三十二年撥兵五名防守

演武廳卽舊教場在大南門外二里明宏治間知縣張文建橫直各百丈亭三間正德末知縣張邦穀重建更名崇禎二年知縣李世瑀修清乾隆三十二年知縣翟廷法重建官地委員賣軍屯附

原額免徵官民田地一百四十八頃十七畝一分洪武二十四年後死絕拋荒永樂二年奉泰字四十六號勘合撥袁州衛軍五百員名屯種舊志原有細數刪

官租原額黎源田八頃四十二畝四分六釐零舊額米四百六十七石照章志按語後有細數刪

原額山租銀八十四兩一錢八分零原有細數刪

萬載縣志

卷七之一

武備 衛兵

九

黎源洞原有坐落屯田七十二戶多招流民佃種因而劫財爲患議令哨官就近管束法火弊生田產盡歸豪右本畝錢糧遂爲奸人躲糧之藪崇禎六年知縣韋明傑請將詭戶逐名詳查發回原籍弔取本畝原額米一千二百五十八石三斗零實該糧銀七百餘兩撥兵兌銷如有藉口荒蕪不肯兌銷卽開申上司著各兵開墾舊志後有按語刪

衛制明初置衛分軍立屯衛地方非以勤轉漕成化間昇平日久屯軍操軍坐食籽粒因改所官爲運弁編軍丁爲運丁長運抵通一變民運抵淮之制其始原以八分駕淺爲運糧旗軍以二分爲操守旗軍至後逃亡日多乃有屯運而無操守衛千戶百戶均爲

世職五年會考仍由部推清設衛旗丁仍舊裁革世職統以守備領以千總每船編軍十一名運軍水手各有行月二糧造船有料價修艖有宮錢康熙九年移衛袁州其守備千總各一員駐劄省城守備理錢糧監造船隻千總領運北上隨幫千總一員催押回空三年爲滿各員歲俸養廉行糧均有定額清季裁撤衛官屯糧井入民戶八月日記

屯田明額屯田四百八十八分每分三十畝所謂分者卽一丁所承之數初制每分納米六石後每分徵折色銀一兩二錢本色米三石萬曆時李大變兵荒屯道行府扣各軍月糧抵對完屯屯軍節年援例名曰對支在軍爲便而屯田失攷

萬載縣志

卷七之一

武備 徵兵

十

清初承明末寇亂軍丁賄累轉售於民於是有軍屯民屯之分軍丁明袁州衛原立五所額軍六千五百餘戶通志載原額祖軍六千戶約成數也府志原額二千戶府舊志見在操運精局門哨各差正餘軍一千六百四十三名均非盛時全數萬邑軍丁惟見永樂圖志洪武九年戶一千五百八十五丁口五千二百四至末季僅存四十丁蓋漕政旣累兵寇疊遭屯卒逃亡清初承逃亡之餘原編完賦屯丁貳拾陸本全書

按舊志原額肆拾丁內運丁拾叁例不編丁餘貳拾柒可與此小異

雍正五年攤派通省屯糧內均勻帶徵計增攤丁銀貳拾叁兩叁

錢陸分叁釐玖毫玖絲自雍正五年至乾隆二十二年歷屆編審增攤壹兩肆錢捌分五釐貳毫自乾隆二十七年至嘉慶十七年又共增攤伍兩陸錢壹分捌釐計共攤增外縣屯丁銀叁拾兩肆錢陸分柒釐實共徵丁銀叁拾貳兩玖錢伍分陸釐遇閏帶徵伍錢捌分肆釐

康熙五十二年恩詔續生人丁永不加賦自五十五年至乾隆三十六年各屆新收除抵補開除外實共滋生捌百陸拾丁三十七年停止編審 按府志乾隆二十四年查出舊管叁百叁拾壹丁漏丁叁百伍拾玖新丁肆百叁拾壹

乾隆六十年軍戶肆百肆拾伍丁口貳千柒百叁拾叁

萬載縣志

卷七之一

武備 兵備

十一

嘉慶二十五年軍戶伍百叁拾叁丁口叁千陸百伍拾壹

道光三年軍戶伍百肆拾伍丁口叁千柒百捌拾陸以上縣冊

漕船明時袁衛船一百隻宸濠之變分撥南昌二十隻到衛船多軍累萬歷間屢控院司止撥回十隻故額載一百一十隻初時每隻給料價銀五百兩後遞減為二百八十三兩復派軍三民七及封底心銀本丁親領自造尙多賠墊每船各載正改米三百九十入石四斗有奇副米二百一十石有奇合正副米爲一淺淺支行糧十入兩月糧四十八兩併淺減造行月二糧按米計算萬邑漕船確數無徵明季迭遭兵燹衛軍十不存一船皆燬奪清初百計搜僉前後造袁衛船十九隻又將見運內幫丁撐駕丁

析僉朋造九隻而舊船滿料已有八隻船少米多康熙四年知府李芳春推官鄭燧會詳署糧道周體觀議以淺半減造定爲三十七隻九年軍歸縣僉袁衛存船二十九隻二十二年核定新造料價每船給銀一百七十七兩零二十六年定給二百八兩七錢零次年給小修銀三兩三年四年中修五兩五年至十年大修七兩後大修歲增五錢既乃不拘年分定歲修七兩五錢十年爲滿料准於通州變賣繳抵新銀六十兩由坐糧廳交運官賚送潛督發道轉給本丁三十六年縣衛因修造疲累詳准以大船合併三船袁衛止二十六隻時萬邑承運四隻半五十八年又拆造一隻共二十七隻萬邑承運四隻雍正二年定議每船長以十丈爲準廣

萬載縣志

卷七之一

武備 兵備

十二

稱之乾隆二十四年裁萬載劉甘彭船四十七年以劉甘彭船丁撥幫本邑彭傳達見在萬載承運三隻原載有王吳李周彭及三船散軍住址均刪

鋪遞前代郵置皆役民宋太祖始詔以軍卒其後特置遞卒優其稟給萬載在宋時有龍江驛獲富驛元明以後無驛站而有遞夫明驛站項下額設走遞差馬而官差承舍之楚之萍濫索句奪騷擾實甚

清朝原設差馬鋪司後奉司兵七名其各鋪建首錄後總鋪在縣治前之右明成化嘉靖間兩次官修清乾隆間葺額設鋪司鋪兵郭村鋪縣南十里郭村石溪上西南向明成化時修清乾隆間四

都一畝王黃郭李四姓捐葺原設鋪司鋪兵

大樂岡鋪在縣東十里南向明成化十一年知縣陳璨修

清嘉慶間復修原設鋪司鋪兵今俱裁

冷鋪俱廢惟存基址 建安坊福地廟左側深進二丈濶丈二尺

小北關內左連城下路深進丈二尺濶八尺 興賢坊郭姓出入

右路傍辛宅對面深進丈八尺濶八尺 西關內右城墻下橫直

八尺 西門外錦衣坊橫直八尺 小南門外右橫直八尺 九

都三畝藍田廟右直丈三尺橫六尺前至官路後至勘脚左至廟

右至陽溝

萬載縣志卷七之二

武備

戰事 義民附傳

劉宋大始七年豫章賊張鳳聚眾康樂山周山圖討平之

鳳斷江劫掠軍主毛寄生與戰大敗明帝復遣周山圖討之山圖

遣幢主龐嗣厚遣鳳要至望蔡豫伏兵水側斬鳳首見南齊書周山

圖傳

舊按寰宇記高安縣有敗伏山在縣西南一百一十里以道里計

之在今上高縣治與望蔡設伏擊鳳事合惟山名康樂應在康樂

境內因采入

萬載縣志

卷七之二

武備 戰事

隋大業十二年冬十一月鄱陽賊帥操師乞陷豫章郡師乞自稱

元興王建元始興據林士宏傳建元天成交陷豫章以林士宏為大將

軍詔治書侍御史劉子翊討之師乞中流矢死士宏代統其眾通

志 萬載時隸豫章郡

十三年冬十二月蕭銑取豫章林士宏退保餘干通鑑綱目

舊按隋末蕭銑林士宏亂萬載鳳嶺人應智瑱嘗屯兵於鳳嶺見

方輿記又於華林山屯兵置柵保障一方見豫章書又雲柵城新

水橋城皆智瑱屯兵地見明一統志所屯兵號為義軍見華林實

錄

唐乾符五年春二月王仙芝餘黨陷洪州通鑑綱目

時縣并入高安

屬洪州

中和二年鍾傳取洪州

仙芝猖狂眾推鍾傳爲長乃鳩夷獠依山爲壁至萬人自稱高安鎮撫使仙芝畧撫州不能守傳入據之言諸朝詔拜刺史是年逐江西觀察使高茂卿遂有洪州節唐書鍾傳傳

天祐三年夏四月鎮軍節度使鍾傳卒子匡時爲留後秋九月楊渥取洪州通鑑綱目

朱梁開平三年時淮南楊氏猶稱唐天祐六年秋七月淮南盡收江西地

撫州刺史危全諷帥撫信袁吉之兵攻洪州淮南守兵纔千入節

萬載縣志

卷七之二

武備 戰事

度使劉威密遣使告急日召僚佐宴飲全諷聞之屯象牙潭不敢進楚王殷遣指揮使苑玫圍高安以助全諷徐溫以周本將兵七千救高安本曰楚人爲全諷聲援爾吾敗全諷援兵必還乃疾趨象牙潭全諷營柵臨溪亘數十里本隔溪布陣先使羸兵嘗敵全諷兵涉溪追之本乘其半濟縱兵奮擊全諷兵大潰本分兵斷其歸路擒全諷乘勝克袁州米志誠敗苑玫於上高於是江西之地盡入於楊氏通鑑綱目

宋靖康時鄉寇四起邑人鄔玉率鄉民置立寨柵屯堡於湯周山舊志

建炎三年金人陷豫章叛將杜產率羣盜焚掠萬載

四年金遣兵大掠曹成馬友支黨迭寇縣境

紹興二年潰寇劉忠張成據縣山谷爲亂知縣徐昇乞師靖之時連年被寇井邑邱墟邑民幾無噍類本徐昇修縣治記

舊按金人陷豫章在建炎元年見豫章書紹興三年劉忠之將高聚犯袁州岳飛遣王貴擒之降其眾張成以三萬人犯袁州陷萍鄉復遣貴擊之成敗被擒具詳金陀編行實編年則所稱乞師以靖者殆卽王貴兵歟

紹興初虔盜周十隆張大閑黨於縣界內盤泊作過安撫使李綱遣將討平之省志李綱奏狀本集不載

元至正八年萬載妖人彭國玉作亂聚眾數萬

萬載縣志

卷七之一

武備 戰事

三

國玉以白蓮惑眾倡言撒豆成兵飛茅爲劍謀不軌事敗竄入麻城合鄒普勝眾以紅巾爲號袁州遺事通志

舊按陳志誤作元統八年今據通志校正

十二年徐壽輝僞將歐普祥陷袁州舊志紅巾賊劉仁等據萬載建城治東舊志

舊按舊城池志元季紅巾據縣築城於治之東置門四周圍五里坊鄉志花園巷元至正間雙刀手劉仁據縣開設廟祠志城隍廟紅巾劉仁舊居黃自中譙樓門廡記北門城樓劉敬與姪明德屯據時所爲是仁敬等皆彭國玉黨也又按李厚岡克巢寨詩序高村東行二十里溪南有山虎牙屹豎絕頂開平窩多瓦甍故老傳

云元末居民捍寇之地劉克巢寨主也故以名僞漢歐普祥滅之克巢殆亦劉仁黨歟

二十年夏五月陳友諒殺其僞主徐壽輝自稱帝九月壽輝舊將歐普祥以袁州降於金陵元本紀參明史紀事

舊按谷應泰紀事云普祥以袁州來降友諒遣弟友仁攻之普祥擒友仁友諒懼約和釋友仁歸二十五年歐普祥死黃彬領其眾從常遇春湯和立戰功移鎮袁州諸山寨皆就撫見黃彬傳

明萬曆二年巨盜李大鑾擾縣境守備鄧子龍勦平之

大鑾嘯聚萬載黎源等處附近數十里內莊佃俱逃散顯天四議

二年與楊青山倡亂分甯殺傷兵民甚眾官數征勦無功巡撫潘

萬載縣志

卷七之二

武備 戰事

四

季馴至遣守備鄧子龍密授方畧營萬載之黎源新昌之黃岡奉新之百丈靖安之雙阮武甯之黃竹又密令數十騎分伏楚疆斷賊西路子龍自率驍騎夜半入賊老營大圍原誤瀉山賊弛備就枕火礮四發皆驚潰斬首百焚死尤多餘黨果趣黎源洞舊志楊青山一夥逃匿黎源天井窩遇伏兵次第就擒大鑾復走安鄉將以楚長沙爲援至五年南昌知府王三錫知州石漢荅任申明保甲文武協濟不旬月大鑾青山餘黨盡擒大志

舊按大鑾爲盜始隆慶二年見湖南志又舊志云楊青山逃匿天井窩依山爲險江湖兩省會勦得其渠魁則趣黎源者不僅餘黨也又云知府鄭倬典檄知縣徐一唯督官兵鄉勇搜捕餘孽燬其

巢穴始得平定此則以縣人紀縣事自應較詳當時鄉勇義民有功桑梓如李鳳洲以鄉導給品服嚴金魁以帶勦邀旌贈皆確有可徵惜事久多湮沒耳

五年設甯州銅鼓石守備立黎源哨於萬載豫章書舊志

大鑿等既擒撫臣奏增設城堡立守備等官於大圍山之銅鼓石分定哨五營黎源諸洞險盡在掌握可成內外應援長治之策大志

崇禎十年十一月臨藍流賊陷萍鄉乘勝東下葦防守兵賊眾數千自楚破萍鄉縣境震動巡撫解學龍撥省兵百名防守月餘始

安泰通志

萬載縣志

卷七之二

武備 戰事

五

十五年麻棚邱仰寰盧南陽本府志加結寨天井窩爲寇

後脅從至萬餘人破城十三次十七年四月方就撫舊志

舊按窩寇之變有上高黃鼎彝勦撫始末及明史紀事通志府志記載最爲詳備而傳聞異詞且於萬載事恒略故不采惟新昌志破賊紀畧云左兵復袁仰寰授首江督呂所調兵大掠錦三卽盧南陽至株樹潭倡爲勦兵安民之說眾服令以鼓吹送僞官至萬載無敢逆者未幾爲百姓擒斬足補舊志之畧

清順治二年十二月新昌副都陳泰來遣所部李凌虹提兵入萬載殺我所置令杜章卿連破新昌泰來旋敗死通志並見南疆釋史列

傳二十二八月日記

舊按白志泰來傳初益王起兵建昌泰來欲從之同縣按察使漆嘉祉舉人戴國士持不可已而新昌破國士降泰來惡之會上高舉人曹志明等兵起泰來與相結復上高新昌甯州殺國士妻子遂取萬載比新昌反正泰來走界埠志明從上高移軍會之俱敗死據此則入萬殺杜令實係泰來之兵蕩平附記云六口上石庫任選貢某偕萬載庫吏某人萬載城殺署令杜署尉張而不及凌虹之名考凌虹上高東溪生員見勦撫始末內而蕩平始末內止有梅溪李舉人亦無凌虹名豈瑞州上高原報遺漏耶又按黃鼎彝監紀蕩平始末順治二年分宜令曹國祺號集上高稱醴陵黃朝宣兵奉隆武偽詔恢復江西新昌陳泰來出賞召募應之曹陳

萬載縣志

卷七之二

武備 戰事

六

弄兵數月文武遇害萬地蹂躪最酷此雖與志小異亦足爲泰來寇萬之徵

康熙十三年宜春棚寇朱益吾等作亂連破縣城肆殺掠新昌瀏陽賊與合十六年官軍勦平之

時吳三桂據長沙朱益吾黃乃忠等乘機烏合五月據三關九畝叛四縣棚寇應之大肆殺掠六月協鎮趙應奎遣守備陳素綸等追勦陣斬賊首朱益吾朱翰苑生擒賊首李念松李瞻我九月賊破萬載城十月應奎以總兵統軍會同穆都統成額分道疾趨萬載賊出拒奮擊敗之陣斬五百餘級及賊渠邱以祥擒僞知縣童聖功十一月賊逼郡城萬載餘寇復熾防萬游擊陳素綸擊敗之

陣斬僞監軍道盧景岱賊將漆國勲擒僞守備李忠 十四年三
月中軍游擊潘希聖進勦白水老巢殺賊千餘四月僞總兵揭玉
卿突萬載素綸等與戰敗之斬千餘級又敗之白良 十五年二
月素綸與中軍游擊李顯宗敗賊於鐵山界斬僞都司守備各一
擒僞千總曇雲追至沙溪城潭斬首千餘擒僞守備孔貴四月
十五日賊勾瀏陽諸賊復陷萬載盡燬衙署儒學及民居市肆擄
殺男婦不可勝計新昌寨賊鄔維新與揭玉卿眾合踞六區分劫
歧源觀上等村又寨下田北四都被擄男婦百餘口府志注自十三
年至十五年前後擄殺男婦七千七百餘口玉卿旋於長阮就擒都司趙
應時守備楊朋實由三陽橋進與顯宗會勦萬載賊賊列營城外

萬載縣志

卷七之一

武備 戰事

七

我兵擊之遂渡河截龍河渡口我兵亦渡搏其營賊大敗殄竄追
斬無算遂復萬載守備關彪勦茶村一路斬僞守備江文夾 十
六年正月應奎統游擊趙應時等由金瑞進城守游擊關彪都司
汪國梁等由白沙桐木守備胡文良由上栗市碧溪訂期夾勦白
水櫛樹潭老山阮聚錢阮鐵山界諸賊直搗黃茅孫家墩老巢陣
斬僞游擊周良宇卜鳳奇僞都司張問達黃大用歐陽勝楊吉勝
等賊巢盡燬賊首朱永盛曾加印等潰逃二月總兵趙班帥雷應
時彪國梁駐防櫛樹潭搜捕餘孽 十七年二月僞總兵朱永盛
高玉澤曾加印僞副將范君佐甘孕貞邱加職陳君啟等領眾萬
餘詣櫛樹潭投誠總督董分散各標効用眾入伍願歸農者准回

籍

舊按棚匪起禍於宜肆毒於萬巢穴多在三四區而勦殺投誠俱在萬境舊志缺載宜春志頗詳通志及名臣傳尤可徵信采補之畧見始末

雍正元年臺灣逸賊溫上貴據歧源知縣施昭庭率兵勇擊走之上貴被擒 上貴受朱一貴僞元帥劄一貴誅乃嘯聚流匪集於煙竹三月據歧源昭庭請兵防禦親率義勇陳輝玉嚴林森羅老滿等百餘人拒之十七日偵賊將悉眾劫城男女紛紛竄伏知府李英適抵縣稍安十九日官兵至方議進勦義勇前驅遇賊鬪吳細哥陣亡陳輝玉等仍大呼殺賊賊多死上貴等奔新昌義勇官

萬載縣志

卷七之二

武備 戰事

八

兵乘勝逐北與新昌兵勇犄角夾擊賊大潰上貴爲新昌民盧勺所擒與其黨三百人伏誅論功擢用有差被難地方均邀卹典府

志叅舊災祥志各臣滿保傳

康熙十五年知縣吳自肅爲瀝陳殘邑情形懇賜軫恤以存子遺事竊萬載古稱上疲自康熙十三年春人禍將興天災先作上鄉白水一帶異常水災衝山破峽各村廬舍浪滾萍漂男婦溺死滿川蔽野田畝化爲川澤當卽勘實具申不意天災未甯寇亂繼起宜春棚寇朱益吾等因吳逆竊踞湖南乘間跳梁聚眾盛萬領授僞職戕害居民雖渠魁授首曾不移晷而餘孽朱君平等繼起熾焰日甚九月初旬自鐵山界櫛樹潭擄掠而來殺人盈野哭聲載路萬載兵少城卑卑職只得單騎詣郡哭師請援而賊卽於九月二十一日破城以生民作菹粉燹

廬舍爲坵墟迨滿兵臨袁於十月二十四日下縣恢復此時逆賊順民兩難分別癰疽雖潰元氣大傷除斬馘逆賊外失去居民男婦四千餘隨經申叩求賑恤百方招集至十四年夏稍有生色而當大師駐袁分兵防萬軍糗糧萬難推辭量徵十四年分錢糧兵米雖爲數不滿十分之一而百姓已骨盡髓竭查萬載疆界南至宜春十五里路當衝要百姓逃徙已盡東抵上高二十里素稱不毛近遭蹂躪俱成石田西北抵瀏陽疆域稍廣皆係三區四區地賊人盤踞東北抵新昌及銅鼓係六區地前猶內附一切正供及軍需無不取給十五年滿漢兵赴長沙又值參將陳素翰重病賊偵知卽糾數千自瀏陽直抵萬載把總陳啟陳忠等同卑職族叔吳慶孕帶領鄉壯在高城禦堵誤中詭計我軍散失於四月十五日城遂再陷逢人便殺見婦便擄各官公署聖廟兩廡戟門盡行焚燬民戶十不存一迨官兵恢復城外屍首蔽野無人收顧吳聞數十里繫

萬載縣志

卷七之二

武備 戰事

九

纍男婦不可勝計屠城之慘從未有此於是新昌寨賊鄔維新串同揭玉卿等帶賊二千餘自山寨移踞六區又誘脅附近愚民爲鄉道到一村則一村殘一鄉則一鄉破向所云可供軍需之六區盡入賊之囊橐而又分布遠近彌月不去迨官兵進剿又取六區大姓合圍而盡焚之歧源藏溪觀上等處蕩無炊煙而天災復至五月大雨彌旬四門衝折頽城一十六丈平地水深三尺男婦涉水死者不計其數卑職備文申詳兩有亟求賑恤之請迄今瘡痍未起逃亡未復而賊眾益肆猖獗離城十里內外如寨下田北四都等處又被焚劫擄去男婦百餘口救援無策民遂逃亡盡矣切思鄉止六區一區二區牧馬蹂踐耕種無幾三區四區賊盜盤踞五區六區偶見一二畊種實爲官吏所仰給今盡變爲盜藪咫尺之地便同異域廢城一座荒山一掌賊寇環郭而處且災傷頻至催科則無人可呼團練則無民可聚官兵持重城守不及設備四鄉地日狹而

賊日眾民愈逃而城愈危懇賜方畧起死回生知縣常維楨爲泚陳慘苦乞賜矜憐以保殘疆以全子遺事萬載地處山僻中分六區丁田賦役年徵一年尙有遲欠大亂之後丁缺田荒自康熙十三年九月二十一日棚寇猖獗城池失守十月二十四日恢復焚燒月餘殺擄過半及至十五年四月十五日城再陷雖旋復屠洗一空官民房舍盡付一炬此外郊圻賊之盤踞劫戮者三載前後擄殺實去男婦七千七百餘口田地拋荒十分之九俱經吳知縣歷詳請豁在案卑職九月十七日到任目擊地方傷殘空城瓦礫衰草連天荆榛奪目卽今寄身破壁不敢自安以緩國課仍徧蹈四郊確勘被荒實數多方軫恤加意招徠并示給牛授種業已一月於茲節奉嚴檄督催一應各年未完民屯錢糧銀米凜遵徵比不遺餘力舉凡藉口荒殘概置弗顧業已戕民命而傷國本茲據紳民龍星宋繼種等泣陳被難情由懇請勘豁前來其有哀號道左攀轅環訴

萬載縣志

卷七之二

武備 戰事

十

諸荒狀每日數十餘張誠有坐視無策相對攢眉者也查錢糧必由田地追徵必須有民今萬載兩被殺擄如五六等區絕無人跡三四等區人作賊巢此外一二區或家有數口半遭屠戮或族本繁盛今則凋殘父子仳離夫妻拆散如前所陳事事堪淚田地之拋荒不問而知見在百姓率皆鋒鏑餘生饑寒殘喘正賦而外長沙擯擡諸遠役無不責之卽其忍死急公早已髓枯血竭拊循不暇忍督逋欠至於部文之設法催徵益又甚難他郡或遭寇亂未至失守萬載則兩次淪陷他郡一經恢復人民尙在萬載則洗戮一空卽曰田地可耕房屋可築器用可置牛種可辦而獨此人民一時難以驟長是生者還可望其死者豈能復出他如招徠之法非不推心置腹乃兩年以來一民未歸皆緣各年之逋賦雜辦之差徭無不并責其身以致足未入境而頸繫長吏之手所以寧甘流落走死他鄉而不顧也合無詳請俯憐特賜轉請蠲豁紳士辛承項等公狀

痛我萬邑僻處山陬接連楚壤土瘠民貧風稱上疲自癸未天井寇亂破城一十七次田未盡墾民未盡甦水旱頻仍蟲蝗肆害每年申詳十徵六七萬之荒殘匪自今始天不悔禍災宮壘至甲寅五月孽蛟四出水湧丈餘白水潭埠一帶房屋漂沒人民淪溺山崩地陷平原沙壑大難一也吳犯順長沙失守棚寇囑聚洗村掠縣甲寅九月破城殺民擄婦牽牛洗財據城肆虐一月有餘遭禍最先受苦最毒大難二也乙卯春夏巷無居人前縣主加意招徠逃亡漸附驚鴻甫定夫役旋徵或饑寒就道或老穉應役累死道路者十六七大難三也丙辰四月鎮萬陳參府重病棚賊偵探得實捲土重來萬城復陷見人即殺逢屋便燒屠城之慘亘古未聞大難四也自是雖請兵恢復無奈賊眾盤踞山谷東攻西竄西擊東逃兵至則潛兵退復出離城十五里外皆爲賊有人遭屠滅村被洗擄大難五也甚且甫離賊害又受捕風捉影之磨幸保殘軀反有吹毛

萬載縣志

卷七之一

武備 戰事

十一

求疵之事士民悉遭魚肉善類盡被網羅苦上加苦大難六也兵燹未已饑饉踵至倉廩盡焚蓄積已燼田疇盡荒蓋藏又虛採蕨而食死者相望大難七也樹木伐盡蔬菜摘盡家畜取盡以致器皿什物無不供驕弁悍卒之誅求大難八也以上諸苦情向蒙吳縣主前後逐詳縉圖請命奈因各縣當事援例申詳其殘破者曰殘破卽未甚殘破者亦曰殘破遂至一體批答而予遺之命所以難保也目今離散之眾訪子尋妻窮年奔走破產之夫求衣覓食終朝馳逐往昔田疇盡成蒿萊卽欲尋舊業無牛無種復歸故土無鄰無親爲此公同泣愬

咸豐二年九月瀏陽徵藝堂會匪作亂同知林福祥統兵駐櫛樹潭分防鐵山界大平關各隘口經湖南發兵勦散乃罷瀏陽界連縣西黃茅白水等處會匪作亂居民一日數驚旣發兵鎮守櫛樹

潭湖南復兵時撲滅民乃安堵

四年四月湘潭髮賊敗竄萍鄉初九日由金瑞竄株樹潭潭埠初十日陷縣城旋奔盧家洲新昌賊初不過千人裹脅到縣已三四千人倉卒無備官民皆逃劫掠貨財不可勝紀

五年十月粵匪由安福分竄入外委胡大元帶兵往周家市堵禦兵潰縣城遂陷粵匪在城十餘日搜劫一空二十四日焚各衙署二十六日燬聖廟及城隍廟時髮賊數萬已由甯州連陷新昌上高瑞州道路阻梗十一月初一日吉南贛甯道周玉衡遣布政司理問林得春左安司巡檢張育楠武進士韓暹春各帶龍泉興國義勇數百人援至蓬壺寨下殺賊數十遇伏陣亡百餘人

萬載縣志

卷七之二

武備 戰事

十二

林得春遇害官軍潰而南粵匪潰而北次日粵匪棄城奔新昌與髮賊合是月上高嚴守和勾引髮賊先遣人持偽示遍貼城廂十八日至十九日偽將軍楊如松偽總制陳綽號四不像領眾入城置朱衣點爲偽監軍並設軍帥旅帥卒長各官勒貢錢米一二四五六區大受其害十二月湖南巡撫駱秉章遣同知蕭啟江都司楊恒升帶兵守鐵山界廿九日賊至櫛樹潭獲富追走之三區獲全

六年正月初四日賊復至櫛樹潭驚潰賊之至櫛樹潭也欲乘夜襲楚軍行至中羅墩聞礮聲驚潰次日退回高城大橋二十九日典史吳雲松與四區紳辛學乾吳家禔吳月桂韓金良等起兵

楓樹窩賊來撲潰執去瀏勇龔蘭桂殺之又執去瀏陽團首陳大浦之子永齡至縣城王家橋頭劊割罵不絕口 先是辛辰雲郭春熙逃至櫛樹潭與謝大舒曹瑞祥高思訓等謀恢復旋聞袁臨失守辛辰雲乃往湖南與邑人湘鄉知縣唐逢辰謀乞師謝太舒往改江訪知縣李吉言導往瀏陽募勇得一千數百人分作信同兩營請瀏紳王樹帶信字營黎獻帶同字營自率數百人回紮鴻臚第與楚軍相犄角是月辛辰雲唐朝棟至自湖南郭春熙高思訓曹瑞祥與主事宋仕輝共籌糧餉二十八日湖南巡撫駱秉章遣劉長佑統軍援勦蕭啟江楊恒升悉歸節制辛辰雲等聯名請分路進於是劉長佑由萍鄉攻袁之西蕭啟江由萬載攻袁之北

萬載縣志

卷七之一

武備 戰事

十三

二月初九日信同營留守黃茅蕭啟江楊恒升與知縣李吉言統兵進紮櫛樹潭十一日賊聚金瑞由后槎分路來犯蕭啟江留兵守營自與楊恒升李吉言各帶兵數百先設伏上方嶺後賊至從嶺上分三路馳下營中鼓噪出追至楊源亂石嶺殺賊數百奪獲軍器無算是月湖南遣都司田興恕帶虎威軍來助勦二十六日賊復屯聚金瑞

三月初一日蕭啟江調同信營助防初六日大敗賊於金瑞賊初屯聚金瑞計圖牽制官軍不得東下蕭啟江遣楊恒升由灌塘攻其前田興恕由一宿亭攻其中自領兵由油木繞出賊後賊踞半山悉力抗拒不虞我軍越上山頂從高陞下賊潰三路兵奮勇爭

先追至廣田寶山橋殺賊遍地奪獲器械無數初九日湖南復遣都司劉培元帶兵協勦十五日信同營留守蕭啟江統各軍進紮栗樹坳賊來犯敗之次日至大橋賊悉遁廿一日賊由金瑞襲樅樹潭楊恒升帶兵回救大敗之廿四日賊趨白良適我軍至又敗之於牛欄埭

四月初三日賊眾犯大橋蕭啟江大敗之二十八日克復縣城八月賊平賊屢挫憤糾合上新瑞萬餘人於四月初三日分三路一衝入城一犯大橋張兩翼依山麓繞而前我軍堅壁俟賊逼鼓聲突起兵勇奮躍出田興恕攻其左劉培元攻其右蕭啟江李吉言衝其中縱橫馳擊賊天崩竄我軍追至西江坑口深塘官庄等處

萬載縣志

卷七之二

武備 戰事

十四

殺賊近千人奪旗幟刀矛十餘車十三日一紮高城官軍追至分水坳賊出城去十七日復入城十八日賊楊如松朱衣點與僞檢點黃日明分紮鳳形腦馬腦山卧鬼嶺等處二十八日官軍焚其營克復縣城次日戰於大畚口陣斬僞指揮鄧象時大橋官軍盡移縣城樅樹潭信同兩營未經戰陣勢岌岌適劉道遣人至樅樹潭路遇賊探回袁州謝大舒恐其乘虛來襲稟請分截賊西竄路次日兵至洪塘賊至敗之樅樹潭得無患

五月初八日賊分東南北三路來犯官軍先擊北路之賊追至泉水井滄斃百餘人遂分軍夾攻東南兩路賊亦大敗之十九日賊又由東南來犯官軍東追至上高之河隴南追至上高之南塘踏

破賊壘 是月舉人彭壽頤優貢廖連城起兵高村二十一日芳塘銅鼓賊突擾上坪職員劉如松彭以南等糾合鄉團殺賊九名生擒二名賊退旋至羅陂頭欲壘大橋彭壽頤廖連城乘夜馳擊却之六月初五日復以金陵老賊來官軍迎擊敗之生擒賊首黃承宣李貴誼之壻頭旗二名十二日芳塘新昌賊欲由港口人擾高村廖連城率兵乘半濟擊之悉驅墜水溺死浮屍蔽江八月十七日賊由徐家渡馳至斗門官軍要擊敗之陣斬上高僞監軍艾春榮

十一年三月髮賊僞忠王李秀成竄至臨江之樟樹鎮知縣魏邦達謀起兵堵禦僞忠王統金陵羣賊由徽州祁門竄入江境擄掠

萬載縣志

卷七之二

武備 戰事

十五

廣信撫州建昌各州縣居民不下十萬及由三汲灘過河裹脅益眾勢益大官民間風悉遁知縣魏邦達亟集紳士陳中實郭春熙等謀起兵三月二十一日舉人曹瑞祥帶三區勇至二十二三四日各區勇陸續皆至合一區之勇起保安營以武舉張弼臣謝殿傳管帶同時優貢廖連城舉人彭夢彰武舉楊應楨附貢王如綸等亦起保和保泰營於高村城內各祠聚集壯丁或數百人或百餘人數十人號祠勇資城守六區毘連新上爲賊竄萬門戶舉人彭燦垣起天保團生員盧瑤林起觀溪團拔貢李春萼起漳源團舉人楊羅峯起博字團廩生喻紹書起忠字團武生高星輝起義字團監生劉如松起同興團並約同斗門黃姓新昌舉人王保仁

起團互爲聲援

四月初九日保和營會合各營圍敗賊於港口二十四日保安營協同六區各團勇又敗賊於羅城賊由臨江陷瑞州蔓延上高新昌逼近我境舉人盧汝寬廩生彭鳴相彭祖瑚生員盧炳藜職員李樂行等以高村有保和保泰各營足資捍禦惟羅城一帶空虛稟請知縣魏邦達分保安營勇移紮羅城就近鼓集各姓壯丁盡行出助四月初八日賊游騎至港口經廖連城劉如松擊退次日大隊復至廖連城等會同新昌舉人王保仁分路夾擊賊敗我乘勢追殺三十餘名墜港溺死不計奪獲旗械無算二十四日賊擁眾由芳塘擾羅城張弼臣謝殿傳帶領保安營出禦各姓壯丁隨

萬載縣志

卷七之一

武備 戰事

十六

至舉人彭燦垣生員盧瑤林等亦率領天保觀溪漳源博忠義團扼河布陣旗滿山谷大雨竟日我不少懈賊數次衝突皆被擊退自辰至申賊不能犯遂遁由是縣城無北顧憂保和保泰營進紮苦竹坪

五月初一日保和營襲賊於新昌之刁芳賊大潰賊自羅城遁後深懼我軍屯百餘賊於刁芳里計圖遏我前鋒廖連城楊應楨選敢死士五十二人夜馳六十里襲之賊驚潰奔入新昌城獲軍器輜重無算

五月十二日知縣魏邦達檄保安保和保泰營進勦新昌同興天保觀溪漳源博忠義團各以兵從賊盤踞新昌焚劫日甚初八日

在籍進士彭惠疇等具稟乞帥知縣魏諭令各營團尅期進剿十
二日廖連城楊應楨率保和營王如綸率保泰營由港口進十三
日張弼臣謝殿傳率保安營由羅城進劉如松彭燦垣盧瑤林李
春萼楊羅峯喻紹書高星輝各以團勇從次於芳塘 十七日大
敗賊於麻田 我軍駐紮芳塘新昌之賊乞援於瑞選長髮數千
助守十六日我軍分班迭攻十七日寅刻廖連城帶保和勇謝殿
傳帶保安勇由刁芬大路進忠義博三字團勇同天保觀溪漳源
團勇由旁路左右分進貢生王如綸帶保泰勇同職員劉如松同
興團勇由南田小路進辰刻保和勇先抵寒婁坳距麻田賊營二
里賊率眾約五千人蜂擁迎戰我鎗礮兼施轟斃騎馬賊十餘名

萬載縣志

卷七之一

武備 戰事

十七

軍功六品劉維富率勇乘勢奮擊殺賊多名中路賊稍退怯旁賊
正放劈山礮經義字團什長彭才懋等飛速趕上刺殺引火之賊
將礮奪獲賊復擁上拒戰時藥已盡適保安營勇馳至鎗礮齊施
斃賊無數軍功六品郭有春等率勇陷陣斬獲甚多其忠字博字
天保觀溪各團竭力助勦時保泰營勇同興團勇馳至奮擊右隊
之賊六品軍功張學問連殺長髮賊四名各勇乘勢冲鋒自辰至
午賊仍死拒旋經廖連城帶中哨親勇由左山繞出賊背前後夾
攻賊遂大敗追奔至新昌城下殺老賊三百七十餘名奪獲旗幟
馬匹軍器無數生擒二名二十一日克復新昌縣城班師還麻田
之捷賊已喪胆一鼓而城可破因天色已晚故還師仍駐芳塘二

十日各營圍合兵進攻新昌新昌城三面臨河僅西門一石礮通
出入礮上設三卡我軍至賊出數百人迎敵我軍奮擊斃賊數十
賊奔回過礮擁擠墜水溺死無算毀其卡三座賊急下槩閉城不
出廖連城楊應楨與天保同興博字各團攻南門張弼臣謝燬傳
與觀溪漳源忠義各團攻西門用礮轟倒望樓斃城上賊數十餘
人復分兵淨水過北門三面圍攻礮聲震天地賊懼不敢立城上
日暮收兵廿一日寅時復進攻賊開東門奔棠埠我軍追廿里各
有斬獲遂克復新昌城休兵半月整旅而還

六月十六日賊由奉新再陷新昌焚掠及我羅城盧家洲等處廖
連城率兵追勦再復新昌先是新昌請援願備勇糧及克復後籌

萬載縣志

卷七之二

武備 戰事

十八

辦不及兵難久留乃取官紳印票而還計欠勇糧二萬有奇不得
已將保和保泰各營團撤散十六日忽聞新昌再陷知縣魏飛飭
廖連城起兵堵勦時連城已抱病又因欠餉未發呼應不靈魏縣
馳至許以籌補遂招集舊部頃刻成軍於廿二日與楊應楨馳抵
藏溪適賊正在羅城一帶焚劫張弼臣帶兵亦至盧彭李喻楊劉
各姓不期而聚者數千人鼓聲四起賊大驚奔回新昌

七月初八日廖連城率保和營進攻賊聞棄城走遂再復新昌

初十日賊由上高趨分宜知府陳飛調我軍援勦謝燬傳救上高
張弼臣救分宜廖連城赴袁郡未至賊悉遁乃罷

同治四年四月提督鮑超霆營兵變由湖北咸甯突入境練勇禦

於三百興敗績遂陷縣城擄殺男婦數百計次日知縣王鎮與郭彬士馮岑鮑承宣率各區練勇至賊奔袁州

五年三月十六日齋匪王輝福鄧紹才等謀亂代理知縣章甫督飭團紳廖連城帶練掩捕格殺多名餘皆逃散先是王輝福鄧紹才等吃齋傳徒隱懷不軌本年三月間聞崇安齋匪滋事謀聚眾應之知縣章甫聞報督飭團紳廖連城乘其未發帶勇掩捕於萬甯交界之葫蘆垠格殺頭目王輝福張繼捷藍仕發三名及其黨林崙盛等九名鄧紹財等逃散其逃往義甯者被銅鼓營都司劉文彬緝獲正法

六年五月上高教匪黃啟生等謀亂瀏匪姜本志等應之直趨大

萬載縣志

卷七之二

武備 戰事

十九

橋練勇堵截兜勦悉數蕩平先是四月間上高井頭黃啟生等以符籙惑人刑牲誓眾僭號嗣統鈎通瀏匪欲藉我四月十八日費神起事舉人劉式穀偵實啟知縣江璧督起團練擒啟生送府伏誅并查獲匪黨十一名置之獄五月初七日瀏匪姜本志等編立溫良恭儉讓五營在該縣達澣地方倡逆於十一日竄我邑之大橋五區白良團紳袁丹萼聞信卽督團勇疾馳三十里進勦賊據街口力拒因日晚收隊初賊本欲直趨縣城至是恐白良團勇抄其後乃於次日竄撲白良丹萼率勇迎擊方鏖戰間適所約縣城練紳鮑承宣巢殿魁率保安營勇馳至夾攻於虎塘朱家坳陣斬姜吉祥等二百餘名賊敗遂奔竄六區之高嶺至舉人廖連城

屋後連城以親勇迎頭截擊飛飭藍楊韓傅潘張等姓圍丁四面
兜剿斃匪徒五百餘名擒逆首姜本志餘匪散入三百興溪源官
鹽山等處並經團紳喻福致揚應楨廖鳳城等生擒正法
十二月又有義甯教匪曾國才等暗糾瀏陽張亦喜上高黃發香
宜春韓元蘭等在宜春山坑冲陳仙人廟假敬神名往來勾結將
於瀏萬交界之晏光洞起事三區練紳劉子純龍文煥周樹楷湯
杏林湯日烜四區練紳郭乾馮岑等偵知約合瀏勇捕殺十餘人
生擒張亦喜七名解郡梟示並燬廟餘匪悉逃

舊按縣自濫上貴竄亂以來百三十餘年民眾財豐百姓歌舞大
平幾不知有兵革咸豐初粵西洪秀全亂作始而兩楚三江繼且

萬載縣志

卷七之二

武備 戰事

二十一

南北直省豕突狼奔蹂躪幾遍天下四五兩年三陷縣城搜括民
財不下數百十萬重以瀏勇楚軍兵差團練援郡救鄰餉精無一
不出自捐輸瘡痍未愈叛勇齎匪相繼迭起於是民窮財盡生計
索然當其事者焦勞拮据至於激切陳言無非爲民請命茲摘其
有關緊要者錄後俾後之覽者得以知生亂世計萬全非備極慘
淡經營之苦不能可哀也已

謝大舒等稟道憲劉分路進剿竊逆匪竄入江西連陷數郡蹂躪浹旬踞臨江
爲巢穴以瑞州爲應援分撲吉安以牽制吉贛官兵分撲袁州萬載各城以攔
截楚省救援黨羽布散擄脅民財招聚亡命周副將統兵由下游進剿臨江賊
屢挫衄奈僅能攻其一面而上游夾勦之兵未到致滋蔓延橫肆荼毒萬載當

袁瑞衝要毗連瀏陽賊既任意往來兼以窺伺楚界生靈塗炭萬苦難言前蒙楚撫委蕭丞駐鉄山界軍聲丕振見賊即追凡萬載附近蕭營之民咸資保障其遠者恨鞭長莫及幸聞專閫馳援整旅前進一切機宜原有勝算惟做縣水火待拯度日如年而地境又爲袁城右臂將來大兵由醴陵萍鄉直搗袁城若得碩畫遠塵分調蕭丞一營再加調一營協同進勦以斷瑞賊之應援以遏袁賊之奔竄使賊兩面受敵一鼓而殲做縣早解倒懸卽於江西大局似亦較易得手倘糧台未便分設某等與縣主李自當籌辦接濟兵在境內饋餉無虞謝大舒等稟道憲劉分兵截賊竊做縣荷節下檄蕭丞數營分道進勦曩蕭丞以萬載爲江楚樞紐路歧賊眾屢請濟帥罔敢輕進比聞大軍逼近袁郡從水寨裏建造浮橋繞攻袁城北路足以制賊竄金瑞遂謀速克縣城以便赴袁會勦今日已全移大橋株潭官軍進紮竹渡僅留瀏勇兩營暫守株潭似亦周密

萬載縣志

卷七之一

武備 戰事

二一

惟瀏勇未經累戰尙難獨當賊鋒頃西刻適節下飭具述大軍仍駐沙田埔未遽建設浮橋繞攻城北又云路遇賊探自株潭回袁恐伺我兵單不無謀竄詭計蓋袁城距株潭九十里由北路趨金瑞竄來與西路沙田埔相距數十里中阻一河與萬城相距尤遠雖西路官軍厚集究慮賊能百里趨戰我軍鞭長莫及而株潭爲吃緊腹地可抄截萬載官軍之後可南竄慈化以繞至萍鄉之上栗市瀏陽之渠城界可西竄黃茅以犯瀏陽之鉄山界營子嶺皆僅隔數十里此時袁城賊燧原料其不敢輕離巢穴顧其中萃瀏陽堂匪萬載土匪株潭伏莽久欲乘間萬一賊苦圍困恃有內應轉思出奇掩襲攻所必救俎我軍回援旋外召臨吉端各路援賊以圖牽制我軍腹背受敵全局未免震動似亦攻瑕使堅者皆瑕之詭道也節下計出萬全明知早經籌及而某等迂生過慮與他處情形不同未可以常理測現已馳告蕭丞再行酌度又求卜萬城賊勢能否

兼顧所爭祇在數日內計不若稟陳節下逃調勁旅截堵袁城北路俾賊無敢出擾金瑞株潭一面檄克萬之師馳撥赴袁由北路會勦以遏奔竄得力有愜憲台廉顧大局之盛心也區區無任激切是否有當伏乞鈞裁

辛辰雲等稟道憲劉 竊敝邑居民受害最深望拯瀾切致造郡城已開信息不約而同在事者咸信其然僉謂機不可失又因四月十七日官軍收隊後賊回竄入城倍加荼毒赴懇接踵督勇肅拯溺情殷乘機意迫五營並起一鼓成功歡聲盈野莫名尸祝惟是荒陬僻壤歧徑雜出株潭既虞金瑞之擾大橋復畏三百坵之侵大兵雖駐城郭更苦四面受敵南接柏木陽橋北連荒塘羅城東隣斗門在在皆賊蜂屯蟻聚愈擊愈多西路雖經戡定未受大創亦恐土匪乘虛勾結三千久勞之師當數萬日增之寇既難防其旁軼更恐疲於人持始以初八一戰賊必胆寒豈料狼心不死招集尤盛推原其故省垣不出師故瑞賊

萬載縣志

卷七之二

武備 戰事

二二一

往來無忌楚援未入甯故新昌奉新賊上下自如袁城未亟攻故宜春賊出入任便此敝邑所以獨當其難戰日勝而事日危者也竊惟勝負無常眾寡有定以火擊多豈云十全賊驅民為寇雖百敗可以復來而官軍斷不可以失利誠宜厚集其勢以防意外之虞况聞銅鼓新添賊羣虎劫兵須守界且賊有徑襲黎源之語則大橋更可慮糧臺所在軍民憂皇况敝邑為大省門戶所繫匪輕懇乞通籌全局迅施拯救分兵渡河以斷北擾尅期亟進以取郡城使賊救死不暇則南路之憂可以少紓株潭之兵亦可別調專意東北二方庶可勉強支持以待省援其有造於萬姓者更逾生佛出世矣

辛辰雲等遵奉 憲命辦理勸捐接濟事宜所有支絀情形已於四月間縷悉具稟捧讀 鈞批洞燭苦情體恤周至茲復奉到 札諭該縣捐輸應照前解赴大營勿謂赴鄰協勦隱讓諉卸等因奉此竊維軍餉之捐皆有議叙獎勵其

錢雖出民間其實已歸官帑官帑官用本無畛域可分例應報銷亦無羨餘可指但使儲積有贏卽鄰省不難提用何況本郡敢存推諉無如蕞爾僻邑受害獨深駐兵獨久召募口糧獨重往來差使獨繁有非宜萍所可比者昔者皆稱萬載豐富不知所謂豐富者非從天降地出又無不竭之源不過商賈較多視連氣爲消長縱擁厚貲亦祇藏之邑中非有隱形幻術暗攝於人迹所不到也粵賊蹂躪於前不下二三百萬城中如洗土匪復引西寇搜括鄉村半年之久銅山亦罄所以賊中相謂貨物數樟樹銀錢數萬載可知豐富之財盡爲賊有矣夫以盡爲賊有之貲財而尙被名以豐富是責病骨以豐肉求枯樹以繁花原其始不要其終豈不冤哉今勸捐所出皆攫噬之餘始猶意存惋惜多方開導加以刑威乃皆涕泣從命然大率勉強一時實難湊錢現雖書滿十萬所收不過六七而日用之浩除虎威營隨時接濟不能定數及瀏勇兩營積欠二萬

萬載縣志

卷七之二

武備 戰事

二二二

五千餘串萬難清結日累日深外每日需發信同二營口糧二百六十七串有奇虎威新勇口糧一百二十千有奇督勸護城巡哨官勇薪水口糧八十千有奇每日需發四百七十餘串加以縣署日用各局食指一切修造工作及過往差使絡繹所費不貲而捐項所交不及百千之數不得已多方挪措加以拖欠尙非二百五十千不能終日此局中時苦喧噪無日不鬧饑荒者也萬載本地之財實已搜括殆盡祇望瑞州通道商賈來歸客當稍有起色若如目前支應本縣兵勇已苦萬分困迫實無餘力兼顧郡城若顧郡城必輟本縣竊恐饑困之下激成兵變舉等身家不保一縣重受荼毒禍有不忍言者夫畛域固不可分甘苦亦宜別白宜萍祇受西賊之擾萬載兼受廣逆之殘宜萍祇供數月之軍萬載已逾半年之饋萍鄉雖駐軍而宜春承其後宜春亦措餉而萍鄉當其前惟萬載始終供給今雖少紓然北路緩急接濟亦無虛日至瀏勇口糧每

月九千餘串六月已滿七月復至積欠既重欲撤不能此又貽累無窮他縣所無者今若一律科派其勢萬不能支更恐貽悞不小仰懇恩施格外俾免派累之科稍紓閭閻之急聞宜春紳士言該縣捐輸已逾十萬而所用不及萬載之半各局皆有存餘以待城開不以羨補不足而以不足益羨苦樂大覺不均况其勢萬不能行欲泯畛域似應從宜春始假使敝邑果能勉強湊辦亦是公財公用何敢稍存計較

曹瑞祥等奉飭以袁郡兵力甚單先期挑選精銳一二千脩齊軍火器械俟有警報調取赴郡防堵並將遵辦緣由由縣先行稟覆等因奉此舉等遵卽邀集各團紳董會議舉辦籌度再四實有勢難集備者緣萬邑團練向定章程無論紳庶貧富之家自十六以至六十皆造冊編入爲丁又於眾丁之中挑選精壯四五百人以本區之勇而有謀者管之束以營規按名給予口糧每月訓練教

萬載縣志

卷七之二

武備 戰事

二四

以坐作進退之法是爲團勇有事則率以禦賊各家酌留壯丁一二人其餘盡出協防然亦自保本境不從征調此前府憲李晉萬時所刊定章程而合縣歷來遵行者也行之既久財力不繼各紳士又多因公受累於是人皆解體團練僅存虛名至咸豐十一年三月賊渡三汲灘由吉臨直趨瑞州風鶴所驚人無固志魏前憲知團練不足恃亟請舉等商起保安保和保泰三營以遏賊鋒所有兵勇口糧暫令各紳多方挪借不數日遂皆成軍連破賊於羅陂頭港口等處後又奉札進勦新昌應調馳援賊聞風逃遁不敢犯郡營勇力也然而紳士則累上增累矣當克復新昌時所該勇糧新昌紳士曾出印票數紙以爲必不負也然班師後分文不償奉調援郡前府憲曾札宜分兩縣承辦口糧亦以爲必可靠也乃賊退後一錢不給不得已稟請上憲照籌餉減成事例勸捐彌補而慳吝之徒又紛紛上控以致有捐無繳計所挪借至今未能歸款尙在四千

吊有多是以前奉 撫憲札飭舉辦團防率皆裹足不前久之縣署招親勇數
十名口糧尙無措出辦若復挑選精銳一二千脩齊軍火器械非有四五千金
不足以供目前支應萬載久困之區而舉等又受怨受累至於此極自顧才力
實不能當此重任抑又思之袁郡爲根本要地不可不力爲防護惟是禦賊之
道禦之於境外則易禦之於境內則難查長江爲袁臨吉瑞四郡天塹若能約
會四府各選壯勇千五百人合之有勁兵六千分布河上其口糧或照糧科派
或照籌餉減成例勸捐給發稟請 撫憲擇一公忠有材畧者假之事權以爲
統領則長江不能飛渡袁郡不守自安其或四府不能合謀則於袁城設一總
局邀請四縣紳士責以一律辦團又於團練外各選精壯之勇或一千或八百
束以營規教之戰陣一縣有事三縣救之或前後分擊或左右夾攻共相犄角
互爲聲援亦袁郡不守自安若徒責之一縣無論何人財力兩絀亦必有不能

萬載縣志

卷七之二

武備 戰事

二五

兼顧者矣

咸豐四年四月湘潭竄賊自萍鄉入縣殉難士民

從九職王鑒益後塘坑人聞賊入城自縊死 李洪學麻田人被賊擄不

屈死 李乾大六區湖溪人與賊搏手斃一賊死

五年十月二十二日紅賊自分宜入縣練勇拒賊於四都之埽塲
力戰陳亡勇及殉難紳民

辛光照興賢坊人 郭龍珍興賢坊人 郭裕慶明德坊人 郭細苟

田下人 郭榮起明德坊人 林大勝大北關人 李細苟興仁坊人

郭成瑞明德坊人 高祖迴安仁坊人 朱大勝建城坊人

高能興 羅發成 辛仁民 汪育祥 汪大興

郭雲祥明德坊人 黎成鳳谷源二區人 黃吾保 張得勝

丁老滿 王老四 鄧黑牙以上二區人 陳得勝四區人

謝臘梨四區人 丁大勝四區人 周連發六區人 周嬌生六區人

郭程庸 卓茂良株潭人咸豐四年隨李元度勦賊轉戰有功擬保千總

五年賊圍瑞州命帶勇數百先行赴援至賊長壓營而陣塵戰至日中未食火

藥又缺與兄炳光衝入賊陣手刃數賊而亡奏聞賞卹銀五十兩入祀昭忠祠

郭宗敬郭村鋪人入城催餉遇賊門死

州判職胥錫榮水坑里人負母出走遇賊奮身與門母得脫而自傷死

監生宋友仁城南院上人與賊門死

監生辛鼎宗四都澄塘下人遇賊門死年七十九歲

萬載縣志

卷七之二

武備 戰事

二六

兵書譚廷俊賊入城被執不屈死

辛春慶與賊門死

辛恒發鼎宗子助父門賊死

郭曲成

郭玉成

李發祖

李秉中

李閏祥

李烏苟

黃秀牙

巫貴牙

李科龍

傅良卿

黃成牙

李陽春

袁孟發

王茂子

辛年發

蔡茂牙

陳鎖寶

易興雲

易苟妹

易春苟

尋細牙

李良貴

李細牙

楊龍牙

吳相牙

黃細牙遇賊不屈死

宋福成司背人被執不屈死

十一月粵匪竄踞縣城殉難施發榮城守營兵作探被執死

賴新才被執罵賊死

辛闡光嶺東人罵賊遇害

宋連雲龍山人罵賊遇害

辛柏連張家塘人遇賊門死

宋金祥司背人被執不屈死

李品重遇賊門死

鄭連才與賊鬥死

郭福連仙姑嶺人被執不屈死

郭程續郭福連子同時遇害

六年六區陣亡勇及殉難士民

劉仁遠

王牙子

康元泰在上高陣亡

楊運發

陳長火

陳長新

陳長善

陳吉星

鍾宣傳

喻石崇

彭春牙

湯仁盛

廖文彪

彭賢發

蔡細牙

洪廷傑

張學大

萬載縣志

卷七之二

武備 戰事

二七

曾崇盛

黃洪盛

張義興

楊毛苟

鄭利盛

黃福盛

鍾大盛

吳龍

彭福盛

邱斗盛

辛龍妹仙居橋人

湯外妹南嶺人

龍廣牙黃土崗人

江觀保慈化人俱上高陣亡

李貴照軍功入品

陳長星

馮科龍

生員賴炳熹八月初四日隨官軍勦匪在袁家墩陣亡

曾蘭林

廖盛昌

劉華

職員劉效忠

黃明華

黃振有

劉松基

劉武基

彭英球

俱上坪人

段祿位長槽人

賴長發井頭人

謝榮九甯州人

郭開恒黎源人

李立成麻田人賊擄去酷刑脅從炮烙遍體不屈死

咸豐十一年陣亡 謝茂國天寶陣亡 辛連發

張文盛

李恢緒 楊一秀

蕭新發

楊勝盛

彭才洪 彭閣生

徐文吉

孫柏齡

彭權發 龍細牙

張應松

劉江山

彭送苟 劉岐山

彭才有

彭美臣

劉維龍 李偉曾武舉烈臣子

鍾和顯

姚洪盛

姚貞久 龍吉盛

鍾永珮

劉吉盛

鄭吉元 張紹漢

楊美和

羅洪盛

李善興 劉蘭盛

盧香成

彭美製

萬載縣志

卷七之二

武備 戰事

二八

同治四年四月二十四日霆營叛勇竄入縣境力戰陣亡及殉難

百長張九連

什長江海興

什長羅定福

散勇袁長春

王福珍

鮑藹庭

彭美成

楊德成

鮑增發

辛福元

朱新發

陳鼎盛

賴景星

張大勝

郭貴興

李喜孫

羅麟臣

廖全慶

彭得勝

陳啟發

巢福成

郭富仔

何普慶

王喜珍

喻石牙

劉茂發黃茅人

劉得勝

劉國祥

宋金龍

王大興

劉其倫黃茅人

劉吉勝

劉福勝

李秀貴

吳大勝

龍得勝

周細妹

龍金洪

宋秋貴

喻毛子

鄒黑牙

羅廣玉

李從勝

羅老五

辛雲發

劉成保

辛光玉

周吉安

郭啟雲

廖石玉

周福勝

周元牙

王榮陞

何細細

邱廷接西坑人

藍映叢西坑人

監生辛樹茂東都人

監生龍深澤大北門人

監生劉篤慶江口人

監生辛基泰張家塘人

監生朱崇儒朱家坊人

職員王沛侏南田人

職員郭龍慶龍江坊人

萬載縣志

卷七之二

武備 戰事

二九

職員鮑成生安仁坊人

職員張仁興鳳頸里人

武童李子標明德坊人

童生劉善祥江口人

監生龍修佑

王文兆仁壽坊人

辛福牙

辛映和仁壽坊人

辛細松龍江坊人

張冬祥棧下人

易成之西都安仁坊人

易洪珍東都涂泉人

辛明興龍江坊人

辛允臨周家市人

王秀妹錦衣坊人

王時逢晚牧塘人

王發祥南田人

鄺洪牙建安坊人

陳吉什

宋富成宋家坊人

辛榮成 茶山瑤人

張啟大 棧下人

陳炳龍 康樂坊人

辛人大 明德坊人

辛才牙 明德坊人

辛鳳書 明德坊人

朱苟妹 湮塘人

辛仕珍 南浦坊人

王百海 仁壽坊人

龍占興 興賢坊人

巢賢超 厥塘人

辛永年

龍慶青

蕭元芳 下燕人

楊文成 儒孫之子

楊金賦 儒孫之子

楊永興 儒孫之孫

監生楊松柏

監生楊彩鳳

楊備孫

萬載縣志

卷七之二

武備 義民

三十

錢麻子

錢秋連

錢細任

錢細苟

錢白明

錢丁龍

錢靠化

錢達滿

錢苟細

伍茂慶

伍不丕

伍春苟

伍鋸牙

伍際明

伍長發

楊冬慶

楊鳳科

楊任苟

楊年發

楊學鳳

楊三元

楊吉成

楊流成

楊炳成

楊啞老

楊逢春

楊連春

楊任和

楊松柏

楊細黑

楊土甲

鄧文林

陳秋苟

鍾長發

張黑牙

張壽妹

韓受珍 以上俱福塘人

李黑牙衡江人

袁子牙白良人

袁吾牙白良人

袁慶福白良人

袁細王白良人

袁厚福白良人

韓元海丁田人

韓六指丁田人

廖細妹英產佈人

張壽祥雲峯嶺人

張鵝腦雲峯嶺人

周細牙石獅里人

龍禾牙水腦坑人

伍年牙花塘人

馮餅牙清水塘人

楊吉子花塘人

韓細苟福塘人

韓鎖壽花塘人

楊留子花塘人

梁石牙三百興人

萬載縣志

卷七之二

武備 義民

辛鎖生研陂人

李成孫西陂人

韓有牙細苟之子

龍發子灌泉人

潘吾牙湖源人

潘喜成湖源人

潘閏仔湖源人

周貴子湖源人

張角老湖源人

喻佑發五百興人

劉仁山湖源人

張餘茂蘆竹塢人

辛松妹湖源人

藍鎖壽涂泉人

龍吞口暑往坑人

陳石保西源人

鄔啟慶羅陂嶺人

黃義和烟竹人

楊苟牙灌泉人

朱年春花塘人

楊啟龍

張茂興 蘆竹塢人

劉恩修

曾老滿

彭守元

羅福興

潘鑑昌

潘育龍

張甘保

羅少卿

袁兆陽

葛清佐

楊老四

陳元崇

張仕榮

劉普昌

賴國瓚

賴江文

張紹龍

葛老大 以上俱高村人

郭忠貴 窰山上人

湯發成

劉啟牙 雙虹橋人

徐定祥

郭高龍 郭村舖人

韓洪壽

朱文連 船埠潭人

楊元牙 小北關人

萬載縣志

卷七之二

武備 義民

三二

劉胡昌 船埠潭人

楊洪牙 小北關人

潘德桂 湖源人

聞癩痢 水口里人

胡員慶 金鉤嶺人

韓福牙

郭裕生 船埠潭人

徐文吉

孫柏齡 後街里人

龍細牙

同治六年五月十二日齋匪竄境白良力戰陣亡勇

袁宿牙 卽應秋

袁仁高

袁永福

袁珍珠

敖天發

潘鴻飛

喻龍仔

喻長雲

彭致中

祝鳴鳳

劉貴仔

彭啟才

藍生蔚 高嶺人

易乾之

潘漢超

高宏基

高有華 曹啟瑞五區十七都一高裏源人有傳

吳定邦四區水南人賦質英勇矢志從戎轉戰有功保舉南昌城守營儘先補用外委後帶威民軍陞千總同治三年髮逆竄江境邦帶兵堵勦連日皆捷迨至建昌府新奉街賊大股適至邦血戰不退陣亡上帥痛惜之奏聞加贈守府並給雲騎尉世職長子鳳翔承襲

周德祥三區黃茅人龍岡高小畢業生讀書有膽氣喜與朋輩談義烈事黃茅重岡複嶺四通五達自修水銅鼓相繼紛擾借名倡亂者羣萃於湘贛交界之金鐘湖一帶山內縣屬之白水仙源大橋潭埠白良三百輿船埠潭株潭黃茅各市罔不蹂躪而縣城曾不爲之投兵齎糧一任飽颺然且美其名曰收復此自周德祥

萬載縣志

卷七之二

武備 義民

三三

未領隊長以前事也三區人士知難之未有尸土礮不足應緩急乃陸續購快槍三百有餘黃茅形勢扼要羣推德祥爲隊長沈心毅力訓練知方屹然爲縣西保障已而城廂當局以統一餉械爲名將三區槍枝不給買價改作縣中公有合成五隊隊百二十八原定黃茅一隊以當首衝株潭一隊以資策應知事熊世鳳握指揮統籌之權偶受虛驚輒將株隊飛調縣城而黃茅之勢孤德祥與其眾共甘苦均勞逸處孤危之地不少動搖以能得人死力故也原議隊長月餉四十元排長二人十六元德祥將餉平均人各二十四元矢廉讓之血忱以作勇敢之正氣其與古所稱名將相去復幾何耶洎縣城之警甚又將黃茅槍抽調半數德祥所恃

捍衛者快槍六十土礮數十而已槍少勢孤突被包圍激戰一晝夜而來者滋多縣城兵衛槍以千計屢呼顛而不一援遠近喧囂包圍益亟又激戰一晝夜慷慨與眾約曰人餘子彈兩排便大呼衝出德祥督健兒立山巔四面火起又被包圍至彈盡而義不辱反槍洞胸而絕黃茅亦遂成焦土知事聞敗挾貲而逃一若地方之禍於己無與焉者可以觀世變矣

劉中字育民號劍華六歲就外傳解讀如成人沈默寡言得良師益邃於學縣徵文會輒前列見賞於鄉先輩既入省立一中卒業以時勢變遷桑梓歷劫慨然有投筆之志初入保安第三團醫務所既則身行伍擢升第二隊分隊長所至如武寧解圍吉安殿軍

萬載縣志

卷七之二

武備 義民

三四

宜分新喻修水等屬防堵搜勦出死入生丁丑仲夏窮追至贛鄂交界之大平山胡家嶺急兎反噬彈下如雨身中數槍大呼其徒曰內亂將平一死無憾惟外敵方張有志焉而未逮耳卒年三十有一

郭安黎西城外人民十九年一月就第一區區長是年城陷五次附稅短收供支不給辭職去二十二年九月又奉委爲第五區區長兼區團長視事旬日出外哨巡遇獨立團中彈落水沒勇釘死者十人

龍夢玉嶺東人卒業於地方自治講習所民十九年組織守望隊自衛鄉里值劉金相遣大股來犯眾寡不敵猶手刃一人傷數人

而殞同殉者十有三人

龍德馨石塘人承祖父之遺於地方公益及事變攤募均應付如所指數地宇圍起捐輸亦在人先且時能督率團眾出境抗禦其平日於近鄉少年非無賴半無賴者率豢養之特見機不早亂之既亟不知乘間脫去卒被其素所豢養者村鄰十餘人捕至距家半里許之山塘尾竹窩裡亂兵戕殺慘矣遺有子女被解反動其婦挈以行驅之急不能兼顧則棄其幼者於白水某家亂之既平疊加尋覓曾與人爭認然非其真也踰一兩載忽有某來告有辛姓來認其前所拾遺之子此子非辛也龍也事急矣以實告不亟往此子便被攜去往則已入其手然其面孔耳目酷肖其父母年

萬載縣志

卷七之一

武備 義民

三五

紀亦甚相若不得已而訟訟經半載越三月不一宣判詞或有云出田二百把可以向辛贖回或有云出鈔票二百元可以買好判詞無稽之談幾難令人捉摸判書出而此子歸辛矣疊訴於上不得直然則所云酷肖之者真耶似耶非耶偶相同耶抑此子終當謂他人父母也德馨屢世忠厚起家商業不免中鴉片之毒嗚呼術固不可不慎也

楊蔭南號伯翹畢業於袁州中學築室縣之尚空山更號尚空山主臨摹鐘鼎漢魏蘇趙求者屢常滿每平民易而播紳難惟與余知事重耀留墨蹟以誌別性淡泊評書品茗閱研科學著有藝圃及中西醫學原真室草博物日知錄算學日知錄生平留心興學

如四知成德職業各中小校及醫學研究社無不身與其間嗣以紛亂走避而家屬陷於危幸得某部明令保全既以骨肉情親而回或指爲反動而遷怒被擄至湘瀏張家坊與子三人皆死子婦賴被殺女采蘩聞耗自縊與國謝遠涵曾爲之傳而論曰近世揭竿常自託於社會主義謂欲抑強而扶弱均富而振貧也陳義之高誰能非之然跡其所行則皆熒梟黠而戕善類假暴民以生殺之權是豈倡新說者所及料哉人莫不有一死特慮世俗懲學說之流毒相戒不敢談改革則距大同益遠而人類之損失益鉅也悲夫

按自共產之說行而醉心赤化者如蓬從風或無產而妄圖或有恃以無恐

萬載縣志

卷七之二

武備 義民

三六

終於貪多務得而死暴戾恣睢而亦死或冀嘗一變之甘既覺其苦而亦死或可不去而死或去而復來而亦死縣城陷七次知事率聞風而倖免於死警佐以冒昧而死商民以卒不及備而亦死數十人三五年來鄉民之死蓋數千百人焉死由自取卒不勝書卽死非自取亦未易詢訪也今復錄數人於左

龍獻福 龍石金 龍士恒 龍士洪均石塘人曾襄辦團練

丁慕蘭池下人

民國十九年宜屬山田湯秀山結鄉民保衛地方遠近窮民歸如流水且密與株潭互爲聲援四月十八朱旅耀華過株各姓當事乘機響應朱去而事不成福等死焉

施家慶三區班竹塢人民十九年六月保衛團推進株潭池下密聯繫應事洩

被殺

龍馬牙嶺東人充株潭保衛團排長在黃茅身先團隊逐走來者中槍亡

李簡青亭下人曾辦團練

辛應德號嶺之龍河中校上海黨務訓練特別班畢業萬載黨務指導委員兼
宣傳部長江西第四次代表大會萬載黨部執行委員兼組織部長民十九
年十二月初二城陷被獲不屈死撫恤金叁百元

馮 藩潭埠人中央教導團畢業曾任陸軍第十師二十八旅五十六團三
營八連上尉連長民國二十一年十月二十日在湖北隨縣吳家集勦匪陣
亡年三十九歲軍事委員曾呈請國民政府准給卹金二十年

馮 凱字漢發號豈凡潭埠人江西保安旅教導大隊畢業曾任保安第五團

萬載縣志

卷七之二

武備 義民

三七

中隊長民國二十六年任陸軍三十六師補克旅二團三營上尉營附是年
十二月抗戰南京陣亡軍事委員會呈報國民政府獎予少校優給卹金期間
二十年

黃效高號懷遠株潭後樣人軍政部電雷學校畢業派克鎮江要塞司令部
通訊員駐紮焦山礮臺未幾任電雷學校中區隊長旋調訓洛陽派赴九江
馬當設防二十七年任陸軍第三師第八旅第十六團二營六連連長倭入
贛境箬溪之役鏖戰月餘常有斬獲復調任第四連連長移守武寧翌年春
三月倭大舉進攻禦之於黃鋪路東苦戰四晝夜官兵大受傷亡猶激勵部
下於二十六日向前衝殺敵機槍密集身飲二彈為國犧牲時全連士兵僅
餘四名云本北平中國大學法學士謝濟蒼撰家傳

張德清號靜軒十二都南江葵下人中學畢業性聰穎好學有遠志民國十八年被選爲中國國民黨萬載縣執行委員會委員爾時赤燄囂張伏莽潛滋領導民眾協力勦除民國二十年朱毛兵至被執於上高斗門脅誘參加誓死拒絕遂被槍殺葬於城西之黃泥巷中央政府嘉其忠烈給卹金三百元易斯行潭埠人民國十九年襄辦地方守望隊爲匪所執不屈被害中央黨部發給撫卹銀貳百元

暨斃

錢萬選福塘人民十九年六月白良失陷時率領福塘守望隊向前圍勦被匪